

Gústame comungar, Señor

Gústame comungar, Señor. Gústame recibir o teu Corpo feito Pan de Vida.

Dáme forzas para vivir como ti nos ensinas:

dando porque acollemos o misterio do Amor e queremos amar a todos, compartindo a vida e facendo o ben.

Pídoche que cada vez que comungue cambie o meu corazón.

Que creza en comprensión, en perdón e en xenerosidade cara aos demais.

Axúdame a ser cada día mellor fillo, mellor irmán, mellor amigo.

Que este alimento que recibo cada domingo na miña comunidade me fortaleza e me dea máis fe, úname a ti e aos irmáns.

Que saiba recoñecerte, amarte, servirte e comungarte en cada pobre que se achega e en cada persoa que me necesite.

Grazas, Señor, por ser o noso Pan de cada día.

A VISITA AO SANTÍSIMO

Déixame entrar, Señor, que teño présa, que hei de volver a un mundo apresurado, inmerso na ambición e no pecado, orfo da luz e da risa.


Déixame entrar que a miña dor precisa facer un alto no camiño andado; porque teño, Señor, de tan canso, o xesto vago e a virtude remisa.

Déixame entrar, Señor, só persigo pararme un intre, recobrar a calma, pensar un pouco e dialogar contigo.

Son o mesmo de onte o teu vello amigo déixame entrar a confortarme a alma logo, Señor cando queirades... prosigo. A. Trujillo



2-xiño-2024
Ordinario-B
Corpus Christi



CORPUS: Pola graza do Espírito Santo
os sentidos encontran a Xesús...



Ordinario 9º- Corpus Christi

ÉXODO 24,3-8: *Este é o sangue da alianza que o Señor concertou convosco.*

Naqueles días, Moisés baixou e contou ao pobo todas as palabras do Señor e todos os seus decretos; e o pobo contestou con voz unánime: «Cumpriremos todas as palabras que dixo o Señor». Moisés escribiu todas as palabras do Señor. Levantouse cedo e edificou un altar na saia do monte, e doce estelas, polas doce tribos de Israel. E mandou a algúns mozos dos fillos de Israel ofrecer ao Señor holocaustos e inmolar xatos como sacrificios de comunión. Tomou Moisés a metade do sangue e púxoo en vasillas, e a outra metade derramouna sobre o altar. Despois tomou o documento da alianza e leullo en voz alta ao pobo, o cal respondeu: «Faremos todo o que dixo o Señor e obedecerémoslle». Entón Moisés tomou o sangue e asperxeu o pobo, dicindo: «**Este é o sangue da alianza que o Señor concertou convosco, de acordo con todas estas palabras**». Palabra do Señor.

SALMO 115: *Alzarei a copa da salvación, invocando o nome do Señor.*

HEBREOS 9, 11-15: *LO sangue de Cristo poderá purificar a nosa conciencia.*

MARCOS 14, 12-16. 22-26: *Isto é o meu corpo. Isto é o meu sangue.*

Narrador: O primeiro día dos Ácimos, cando se sacrificaba o año pascual, díxéronlle a Xesús os seus discípulos:

Discípulos: -«*Onde queres que vaíamos prepararche a cea de Pascua?*».

Narrador: El enviou a dous discípulos dicíndolles:

Xesús: *«Ide á cidade, saíravos ao paso un home que leva un cántaro de auga; seguidelo, e na casa onde entre, dicídelo ao dono: “O Mestre pregunta: Cal é a habitación onde vou comer a Pascua cos meus discípulos?”. Ensinaravos unha habitación grande no piso de arriba, acondicionada e disposta. Preparádenola alí».*

Narrador: Os discípulos marcharon, chegaron á cidade, atoparon o que lles dixera e prepararon a Pascua. Mentres comían, tomou pan e, pronunciando a bendición, **partiuno e deullo dicindo:**

Xesús: -«*Tomade, isto é o meu corpo*».

Narrador: Despois tomou o cáliz, pronunciou a acción de grazas, deullo e todos beberon. E díxolles:


Xesús: -«*Este é o meu sangue da alianza, que é derramada por moitos. Con toda a verdade vos digo que non volverei beber do froito da vide ata o día que beba o viño novo no reino de Deus*».

Narrador: Despois de cantar o himno, saíron para o monte das Oliveiras. *Palabra do Señor.*

(Narrador-Discípulos-Xesús)



En la Eucaristía (altar de AMOR) por la gracia del Espíritu Santo los sentidos se encuentran con Jesús
Corpus Christi



HACEOS PAN para los demás.



CORPUS: Pola graza do Espírito Santo Os sentidos encontran a Xesús

1. VER: Contemplar a Xesús

- Como nos gustaría vivir en tempos de Xesús para atoparnos con El, pasar un tempinho con El, contarlle o que nos preocupa, pedirlle consello sobre os interrogantes que temos... Poderemos escoitar a Xesús hoxe, velo, alimentarnos del.

Onde encontrar a Xesús hoxe?

2. XULGAR: Polo Espírito os sentidos encontran a Xesús

- No evanxeo de hoxe, día do Corpus Christi, **cóntasenos o que pasou na Derradeira Cea**, o Xoves Santo: Xesús tomou o pan, e o viño, pronunciou a bendición, partiuno e deullo, dicindo: **“Tomade, isto é o meu corpo... Tomade este é o meu sangue”**. Logo lembroulles: **“facede isto en memoria miña”**.

-Mc. 14,12-16.22-26, Fundación Ramón Pané, película: <https://youtu.be/liMRmmjcU04>

QUE NOS QUERE DICIR?

- Este domingo de Corpus celebramos o gran agasallo que nos deixou Xesús antes de irse, quedou connosco na Eucaristía. Por que? Quere acompañarnos, ser o noso alimento, fortalecernos. Vexamos o debuxo de Fano.

- Xesús, na Eucaristía, entrégasenos, partido e repartido; e **todos os nosos sentidos ábrense á acollida** daquel que se entrega por Amor. Na eucaristía os nosos ollos contéplano, as nosas mans tócano, a nosa boca saboréao, o noso nariz ule, os nosos oídos escoitan a súa Palabra... Todo isto prodúcese porque o **Espírito Santo**, polas palabras do Sacerdote **“Tomade, isto é o meu corpo”**, fai o milagre de transformar o pan e o viño no Corpo e o Sangue de Xesús.

- Na Eucaristía, ante ese Xesús que se nos dá e reparte, **xérase en nós a dinámica do compartir**. Damos porque recibimos. Damos porque acolleemos o misterio do Amor e queremos amar. A mellor maneira de amar é compartir: compartir o pan, o tempo, a escoita, o silencio, a alegría... **No altar de AMOR** (Eucaristía), Xesús revoluciónanos para ser corpos “eucarísticos” que se entregan e se comparten. Descubramos o seu rostro nos pobres, que son sacramento do encontro con Xesús, a súa verdadeira custodia e deixemos interpelar por eles neste día de Caritas.

Muy Xesús, Verbo Divino 2024: <https://youtu.be/watch?v=r67QCnxFAqA>

Que é a eucaristía? A que nos comprometete?

3. ACTUAR: Deus, compañía permanente.

- Cada domingo visita a Xesús na eucaristía, acollédeo no corazón para dar e compartir. Informádevos e xuntade un diñeirinho para Caritas para os que están sen alimento. Pedide ao catequista que vos explique: **“o sacramento do altar e o sacramento do irmán (pobre) constitúen dous aspectos do mesmo misterio”** (X. Crisóstomo)

- *Que lles diríades aos nenos que fan estes días a 1ª comunión?*

Que estás disposto a facer?

Estás aquí, Jesed (Canto a la Eucaristía): <https://youtu.be/watch?v=hwRGk-f1mls>

- que non cre en DEUS. Canto: A Stma. Trindade, Silvia Granda: <https://youtu.be/watch?v=W37el6YuzSs>